

孫真人備急千金要方卷九

長洲張
南沙

傷寒方上 凡九類

傷寒例第一 論三首

論曰易稱天地變化各正性命然則變化之迹無方性命之功難測故有炎涼寒燠風雨晦冥水旱妖災蟲蝗怪異四時八節種種施化不同七十二候日月運行各別終其暑度方得成年是謂歲功畢矣天地尚且如然在人安可無事故人生天地之間命有遭際時有否泰吉凶悔吝苦樂安危喜怒哀愛憎存亡憂畏關心之慮日有千條謀身之道時生萬計乃度一日是故天無一歲不寒暑人無一日不憂喜故有天行瘟疫病者即天地變化之一氣也斯蓋造化必然之理不得無之故聖人雖有補天立極之德而不能廢之雖不能廢之而能以道御之其次有賢人善於攝生能知樽節與時推移亦得保全天地有斯瘡瘍還以天地所生之物以防備之命曰知方則病無所侵矣然此病也俗人謂之橫病多不解治皆曰日滿自瘥以此致枉者天下大半凡始覺不佳即須救療迄至於病愈湯食兢進折其毒氣自然而瘥必不可令病氣自在恣意攻人拱手待斃斯為誤矣今博採羣經以為上下二卷廣設備擬好養生者可得詳焉

小品曰古今相傳稱傷寒為難治之疾時行瘟疫是毒病之氣而論治者不判傷寒與時行瘟疫為異氣耳云傷寒是雅士之辭天行瘟疫是田舍間號耳不說病之異同也考之原經其實殊矣所宜不同方說宜辨是以略述其要經言春氣溫和夏氣暑熱秋氣清涼冬氣凜冽此四時正氣之序也冬時嚴寒萬類深藏君子固密則不傷於寒或觸冒之者乃為傷寒耳其傷於四時之氣皆能為病而以傷寒為毒者以其最為殺厲之氣也中而即病名曰傷寒不即病者其寒毒藏於肌膚中至春變為溫病至夏變為暑病暑病熱極重於溫也是以辛苦之人春夏多溫病熱病者皆由冬時觸冒寒冷之所致非時行之氣也凡時行者是春時應暖而反大寒夏時應熱而反大冷秋時應涼而反大熱冬時應寒而反大溫此非其時而

有其氣是以一歲之中病無長少多相似者此時行之氣也傷寒之逐日深淺以施方治今世人得傷寒或始不早治或治不去病或日數久淹困乃告師苟依方次第而療則不中病皆宜臨時消息制方乃有效耳 華佗曰夫傷寒始得一日在皮膚當摩膏火灸之即愈若不解者二日在膚可依法鍼服解肌散發汗汗出即愈若不解至三日在肌復一發汗即愈若不解者止勿復發汗也至四日在胸宜服藜蘆丸微吐之則愈若病困藜蘆丸不能吐者服小豆芩散吐之則愈也視病尚未醒醒者復一法鍼之五日在腹六日入胃入胃乃可下也若熱毒在外未入於胃而先下之者其熱乘虛入胃即爛胃也然熱入胃須要下去之不可留於胃中也胃若實熱為病三死一生皆不愈胃虛熱入爛胃也其熱微者亦斑出此候五死一生劇者黑斑出者此候十死一生但論人有強弱病有難易得效相倍也得病無熱但狂言煩躁不安精彩言語不與人相主當者勿以火迫之但以猪苓散一方寸七服之當通與新汲水一升或二升強飲之令以指喉中吐之病隨手愈若不能吐者勿強與水水停則結心下也當更以餘藥吐之皆令相主不爾更致危矣若此病輩不時以猪苓散吐解之者其死殆速耳亦可以先以去毒物及法鍼之尤佳夫飲腸實者此皆難治此則三死一生也病者過日不以時下則熱不得泄亦胃爛斑出春夏無大吐下秋冬無大發汗法冬及始春大寒時宜服神丹丸亦可摩膏火灸若春末及夏月始秋此熱月不宜火灸及重覆宜服六物青散若雀文行度瘴散亦散雪煎亦善若無丸散及煎者但單煮柴胡數兩傷寒時行亦可服以發汗至再三發汗不解當與湯實者轉下之其脈朝夕駛者為避實也朝平夕駛者非避也轉下湯為可早與但當少與勿令大下耳少與當數其間也諸虛煩熱者與傷寒相似然不惡寒身不疼痛故知非傷寒也不可發汗頭不痛脈不緊數故知非裏實不可下也如此內外皆不可攻而強攻之必遂損竭多死難全也此虛煩但當與竹葉湯若嘔者與橘皮湯一劑不愈為可重與也此法數用甚有效驗傷寒後虛煩亦宜服此湯 王叔和曰太陽盛陰虛秘臺作表汗之則死下之則愈陽虛陰盛秘臺作裏下之則死汗之則愈夫如是則神丹安可以誤發甘遂何可以妄攻虛盛之治外臺作表相背千里告之

機應若影響然則桂枝下咽陽盛則斃

外臺作表

承氣入胃陰盛以亡

外臺作裏

若此陰陽虛實之交錯

其候至微發汗吐下之相反其禍至速而醫術淺狹不知不識病者殞沒自謂其分至令究魂寒於夏路
大元盈於曠野仁愛鑒茲能不傷楚夫傷寒病者起自風寒入於腠理與精氣分爭榮衛不隔周行不通
病一日至二日氣在孔竅皮膚之間故病者頭痛惡寒腰背強重此邪氣在表發汗則愈三日以上氣浮
在上部填塞胸心故頭痛胸中滿當吐之則愈五日以上氣沉結在臧故腹脹身重骨節煩疼當下之則
愈明當消息病之狀候不可亂投湯藥虛其胃氣也經言脈微不可吐虛細不可下又夏月亦不可下也
此醫之大禁也脈有沉浮轉能變化或人得病數日方以告醫雖云初覺視病已積日在身其疹瘵結成
非復發汗解肌所能除當診其脈隨時形勢救解求免也不可苟以次第為固失其機要乃致禍矣此傷
寒次第病三日以內發汗者謂當風解衣夜臥失覆寒濕所中并時有疫疢賊風之氣相染易為邪惡所
中也至於人自飲食生冷過多腹臟不消轉動稍難頭痛身溫其脈實大者便可吐下之不可發汗也
陳廩邱云或問得病連服湯藥發汗汗不出如之何答曰醫經云連發汗汗不出者死病也吾思之可蒸
之如蒸中風法熱濕之氣於外迎之不得不汗出也後以問張苗苗云曾有人作事疲極汗出卧單簟中
冷得病但苦寒倦諸醫與丸散湯四日之內凡八過發汗汗不出苗令燒地布桃葉蒸之即得大汗於被
中就粉傅身使極燥乃起便愈後數以此發汗汗皆出也人性自有難汗者非惟病使其然也蒸之則無
不汗出也諸病發熱惡寒脈浮洪者便宜發汗溫粉粉之勿令遇風當發汗而其人適失血及大下利則
不可大汗也當少與桂枝湯使體潤熱氣汗出連日當自解也 論曰凡人有少苦似不如平常即須早
道若隱忍不治冀望自瘥須臾之間以成固疾小兒女子益以滋甚若時氣不和當自戒謹若小有不和
即須治療尋其邪由及在腠理以時早治鮮不愈者患人忍之數日乃說邪氣入臟則難可制止雖倉扁
亦無能為也癰疽疔腫喉痺客忤尤為其急此自養生之要凡作湯藥不可避晨夜時日吉凶覺病須臾
即宜便治不等早晚則易愈矣服藥當如方法若縱意違師不須治之凡傷寒多從風寒得之始表中風

寒入裏則不消矣未有溫覆而尚不消也凡得時氣病五六日而渴欲飲水飲不能多不當與也所以爾者腹中熱尚少不能消之便更為人作病矣若至七八日大渴欲飲水者猶當依證而與之與之勿令極意也言能飲一斗者與五升若飲而腹滿小便澀若喘若噦不可與之忽然大汗出欲自愈也人得病能飲水欲愈也 凡溫病可鍼刺者五十九穴又身之穴六百五十有五其三十三穴灸之有害七十九穴刺之為災 論曰夫尋方學之要以救速為貴是以養生之家須預合成熟藥以補倉卒之急今具之於左

辟溫第二方方三十三首 濕溫病證

屠蘇酒 辟疫令人不染溫病及傷寒之方 大黃銖五 白木 桂心各銖 桔梗 蜀椒各銖 烏頭六銖

菰藟銖二 右七味咬咀絳袋盛以十二月晦日中懸沉井中令至泥正月朔旦平曉出藥置酒中煎

數沸於東向戶中飲之屠蘇之飲先從小起多少自在一人飲一家無疫一家飲一里無疫飲藥酒得

三朝還淨置井中能仍歲飲可世無病當家內外有井皆悉著藥辟溫氣也 一方有防風一兩○又

又 正月旦取東行桑根如指長七寸以丹塗之懸門戶上又令人帶之○又方 正旦吞麻子赤小

豆各二十七粒又以二十七粒投井中○又方 常以七月七日合家吞赤小豆向日吞二十七枚○又

方 七月七日男吞大豆七枚女吞小豆二十七枚○又方 神仙教人立春後有庚子日溫蓋菁菹汁

合家大小並服不限多少

太乙流金散 辟溫氣方 雄黃三兩 雌黃二兩 礬石半兩 鬼箭羽一兩半 羚羊角兩燒二 右五味治下

篩三角絳袋盛一兩帶心前并挂門戶上若逢大疫之年以月旦青布裹一刀圭中庭燒之溫病人亦

燒熏之

雄黃散 辟溫氣方 雄黃五兩 硃砂 菖蒲 鬼白各二 右四味治下篩以塗五心額上鼻人中及

耳門

殺鬼燒藥方 辟瘟氣 雄黃 丹砂 雌黃^{各一} 羚羊角^{煨得} 蕪荑 虎骨 鬼白 鬼箭羽 野

丈人^頭 石長生 瑕猪尿 馬懸蹄^{各二} 青羊脂 菖蒲 白木^{各八} 蜜蠟^{八斤} 右十六味末之

以蜜蠟和為丸如彈許大朝暮及夜中戶前微火燒之

虎頭殺鬼圓 辟瘟方 虎頭^{五兩} 硃砂 雄黃 雌黃^{各半} 鬼白 皂莢 蕪荑^{各一} 右七味末之

以蜜蠟和為丸如彈子大絳袋盛繫臂男左女右懸屋四角晦望夜半中庭燒一圓

辟瘟殺鬼圓 重百鬼惡氣方 雄黃 雌黃^{各二} 龍骨 龜甲 鯨鯉甲 蝟皮^{各三} 羚羊角 虎骨

^{各七} 檉雞^{十五} 空青^{一兩} 芎藭 真珠^{各五} 東門上雞頭^{一兩} 右十三味末之煑蠟二十兩并手圓

如梧子正旦門戶前燒一圓帶一圓男左女右辟百惡獨宿弔喪問病各吞一圓小豆大天陰大霧日

燒一九於戶牖前佳

雄黃圖 漢建炎二年太歲在酉疫氣流行死者極眾有書生丁季迴從蜀青城山來東過南陽從西市

門入見患疫癘者頗多遂於囊中出藥人各惠之一圓靈藥霍瘧疾無不瘥市中疫鬼數百餘見書生

施藥悉皆驚怖而走乃有鬼王見書生謂有道法兼自施藥感眾鬼等奔走若是遂詣書生欲求受其

道法書生曰吾無道法乃囊中之藥吾美於鬼王鬼王觀藥驚惶叩頭乞命而走此方藥帶之入山能辟

虎狼蛇蟲入水能除水怪蛟蜃 雄黃 雌黃 曾青 鬼白 真珠 丹砂 虎頭骨 桔梗 白

朮 女青 芎藭 白芷 鬼督郵 蕪荑 鬼箭羽 藜蘆 菖蒲 皂莢^{各一} 右十八味末之

蜜丸如彈子大絹袋盛男左女右帶之卒中惡病及時疫吞如梧子一九燒彈大一九戶內

赤散 辟瘟疫氣傷寒熱病方 藜蘆 躑躅花^{各一} 丹皮 皂莢^{各六} 附子 桂心 真珠^{各六} 細

辛 乾薑^{各八} 右九味末之內真珠合治之分一方寸七絳置囊中帶之男左女右著臂自隨覺有

病之時便以粟米大內著鼻中又酒服一錢七覆取汁日三服當取一過汗耳○又方 凡時行疫癘

附張各玉先生行義

粉身散

辟溫病常用方

芎藭

白芷

藁本

右三味治下篩內米粉中以粉身

斷溫疫轉相染著乃至滅門延及外人無敢視者方

赤小豆

鬼箭羽

鬼白

雄黃

右四味

末之以蜜和服如小豆一九可與病人同牀無妨

預備一物柏枝散

天氣不和疾病流行方

取南向社中柏東南枝曝令乾搗末酒服方寸七神良

治溫病不相染方

以桃樹中蠹屎末之水服方寸七○又方

米豉等分酒浸服之妙○又方 赤豆

一升新布袋盛內井中三日出舉家服二十七枚○又方 松葉末之酒服方寸七日三服

治溫令不相染方

新布袋盛大豆一升內井中一宿出服七枚○又方 白蜜和上色硃砂粉一兩以

太歲日平旦大小勿食向東方立吞服三七九如麻子大勿令齒近之并吞赤小豆七枚投井泉中

治瘧氣方

蒜^{五十并}皮^{碎之}豉心一升

右二味以三歲男免尿二升煮五六沸去滓服之^{諱疑葱}○又方

青竹如二升以水四升煮取三升分作三服

行義

辟溫諸方有歲時預防而設有時氣不正而設然有內服有外佩有焚燒有懸挂有內鼻繫臂

粉身浴體及投井中種種不同總取辟除惡毒異氣之義屠蘇酒方中首取大黃推陳致新白木安中

正氣桔梗升清降濁蜀椒辟邪下氣挂心破陰助陽烏頭祛邪辟惡拔契逐穢除邪七味藥中惟藉烏

頭為主帥椒桂左右輔弼白木守營大黃奪塞桔梗拔契中外宣使一本有防風酒煎向東飲取其生

氣隔歲置井中盡室均沾之意 自東行桑根方至無菁道汁六方皆歲時預防之法 自太乙流金

丹至粉身散九方咸用雄黃硃砂鬼白鬼箭虎頭羚羊等藥皆時氣不正辟邪之方 自斷溫度至青

竹如十方皆吞服小方廣收以便取用原無分於彼此也

治惠霧氣者心內煩悶少氣頭痛項急起則眼眩欲倒身微熱戰掉不安時復憎寒心中欲吐吐時無物

方 新猪尿二升半內好酒一升攪令散以生布絞取汁更以綿濾頓服之取盡即地鋪暖卧覆蓋鋪

前著火常汗出若得汗當細細去上衣勿使心寒寒即不瘥看汗自乾乃起慎風冷亦治瘧及風勞蟲

毒

行義 霧從地濕蒸發皆平時所受穢惡之氣發則迷漫大地即時氣鬱蒸之類壯者氣勝無傷怯者著而成病則有煩心頭痛目眩身熱欲吐等證長沙所謂陽中霧露之氣故取水獸之遺以辟水土之邪服後卧地旬火取汗使鬱蒸之氣仍從上解嘗見嬰孩麻疹著寒陷伏喘脹兒科用猪屎大桶沸湯中置牀簟下執蒸如霧良久通身得汗麻即汗發藥所不及而此能療之勿以穢惡而鄙棄不錄也

治肝腑臟溫病陰陽毒頸背雙筋牽先寒後熱腰強急縮目中生花方 桂心一兩 白朮 芒硝 大青 梔子略 柴胡五兩 石膏 生薑略 生地黃 香豉略 右十味咬咀以水九升煮取三升分三服

治肝腑臟溫病陰陽毒先寒後熱頸筋牽面目赤黃身中直強方 元參一兩 細辛二兩 梔子 黃芩 升麻 芒硝略 石膏八兩 竹葉切 五車前草二升 右九味咬咀以水一斗半煮竹葉車前取七升

去滓下諸藥煎至三升內芒硝分三服

治心腑臟溫病陰陽毒戰掉不安驚動方 大青 黃芩 梔子 知母 芒硝略 麻黃四兩 元參六兩 石膏 生葛根各八兩 生地黃切 右十味咬咀以水九升煮取三升去滓內芒硝分三服

治脾腑臟溫病陰陽毒頭重頸直皮肉痺結核隱起方 大青 羚羊角 升麻 射干 芒硝略 梔子四兩 寒水石五兩 元參八兩 右八味咬咀以水七升煮取三升分三服

治肺腑臟溫病陰陽毒咳嗽連續聲不絕嘔逆方 麻黃 梔子 紫苑 大青 元參 葛根略 桂心 甘草略 杏仁 前胡各四兩 石膏八兩 右十一味咬咀以水九升煮取三升分三服

治腎腑臟溫病身面如刺腰中欲折熱毒內傷方 茵陳蒿 梔子 芒硝略 苦參 生葛根略 生地黃 石膏略 葱白 豉略 右九味咬咀以水九升煮取二升半下芒硝分三服

行義 溫病從內發外雖有臟腑之分却無陰陽之辨以邪伏身中既久內外血氣無不受其蘊毒也

其首言肝腑臟病肝與膽合膽為陰陽之樞所以證先寒後熱項背筋急等患肝臟血故以生地黃涼血之味統太青石膏梔子芒硝疎其宿蘊之毒桂心柴胡香豉生薑泄其在經之熱白朮斷其復入之路也 其第二方亦證見寒熱有面目黃赤似乎木邪乘土究竟肝熱居多故以芒硝石膏梔子黃芩元參蕩熱藥中略兼升麻細辛透達經邪車前竹葉并通滲道以開泄熱之路也 心腑臟溫却無寒熱而見戰掉火之象也心主血故亦用生地黃統攝太青石膏梔子芒硝及元參黃芩與肝腑臟無異以心部於表故用麻黃開發肺氣以散在表之熱葛根知母輔石膏流行胃津以滋火氣之燔灼也

脾腑臟溫而證見頭重頸直皮肉痺結故用射干散結氣於羊角辟惡毒不祥太青梔子元參芒硝寒水石以攻熱毒升麻引入脾經也 肺腑臟溫而見咳嗽嘔逆是肝病而兼胃熱毒逆也太青石膏梔子元參乃治溫專藥麻黃桂心杏仁前胡紫菀甘草泄肺專藥葛根非佐石膏解利陽明之熱乎 腎腑臟溫而證見熱毒內傷腰中欲折不用知母反用茵陳苦參祛滌濕熱之味佐石膏芒硝生地黃以辟毒邪專取香豉以靜少陰之源梔子以除膈上之煩生葛以行胃中之津葱白以通陰中陽氣也

葳蕤湯 治風溫之病脈陰陽俱浮汗出體重其息必喘其形狀不仁嘿嘿但欲眠下之者則小便難發其汗者必譫語如燒鍼者則耳聾難言但吐下之則遺失便利如此疾者宜服之方 葳蕤 白薇 麻黃 獨活 杏仁 芎藭 甘草 青木香 各三兩 石膏 五兩 右九味咬咀以水八升煮取三升去滓分三服取汗若一寒一熱加朴硝一分及大黃三兩下之

胸痞滿 腰背強 寒則發熱頭腦痛咽乾舌強骨肉疼心

行義

風溫之病長沙但言脈證而無治療之方千金補所未逮特立葳蕤湯為專藥蓋風溫由溫病

誤發其汗而成經言太陽病發熱而渴者為溫病若發汗已身灼熱者為風溫此兩節一氣貫下陳氏不當以註釋間斷致後人作兩截看意謂風溫別是一證多生疑障且本例後一逆尚引日再逆促命期等語以為不可救藥束手待斃也原夫冬時之邪伏藏少陰至春發動必循太陽之經時當風木主

今內火招風最為巨測縱不因風亦必繇少陽而尋出路況經誤汗非惟不解身反灼熱其脈尺寸俱浮益腎脈本當沉也風溫載之從太陽上入根本撥而枝葉紊矣其證自汗身重多眠鼻_新語難一皆腎之本病詎意發熱之初不及理脈輕犯汗戒腎中伏邪從風外擾灼熱漫無止期胃中熱甚譫語不休神識不能主持可知若被下者小便不利直視失溲膀胱氣化受傷與少陰同時告竭也被火者微則熱傷營氣而瘀熱發黃劇則熱甚生風而如驚癇時瘰癧火熱亂其神明擾其經脈也加燒鍼則耳聾難言但吐少陰伏火上攻本經之數也少陰脈系咽喉乾痛乃至吐逆唾血多死一逆發汗已是引日待斃再逆火迫神丹莫救矣內經刺熱論溫營交之後病內連腎評熱論溫專言穀氣腎中精勝得汗則生腎中精敗更熱則死長沙更出不盡之藏論腎更視膀胱以緯之膀胱氣化受傷則直視失溲命門精氣告竭神水不能照物其能生子千金體究長沙餘蘊悟得發汗後汗出而喘無大熱者可與麻黃杏仁甘草石膏湯借此以治溫病汗後灼熱兼取麻黃升麻湯中葳蕤合麻杏仁甘草僅取方中四味而麻黃升麻湯之格局儼然葳蕤滋腎益肺內化厥陰火熱外通少陽風氣佐石膏以降逆滿獨活芍藥杏仁佐麻黃以解鬱蒸得石膏之寒化不獨解表并能散火甘草一味專和麻黃杏仁之性也此方中葳蕤白薇青木香石膏自是一路為方中之主麻黃杏仁芍藥獨活自是一路為方中之實作兩路看方得實主歷然之妙深得風溫主治之奧即更遇於風變為風溫之病則當以葛根黃芩黃連湯為主治葳蕤湯加減尤為合宜多有熱傷津液無大熱而渴者不妨裁去麻杏仁易入葱豉以通陽鬱結裏以滋津液喘息氣上芍獨亦勿輕試虛不勝寒石膏難以概施或以竹葉清心茯苓守中則補救備至於以補千金之未逮

傷寒膏第三方三首

青膏 治傷寒頭痛項強四肢煩疼方 當歸 芍藥 蜀椒 白芷 吳茱萸 附子 烏頭 甘草 略三 右八味咬咀以醕苦酒漬之再宿以猪脂四斤煎令藥色黃絞去滓以溫酒服棗核大三枚日

三服取汗不知稍增可服可摩如初得傷寒一日苦頭痛背強宜摩之佳

黃膏 治傷寒赤色頭痛項強賊風走注方 大黃 附子 細辛 乾薑 蜀椒 桂心各半兩 巴豆七

枚 右七味咬咀以醕苦酒漬一宿以臘月猪脂一斤煎之調適其火三上三下藥成傷寒赤色發熱

酒服如梧子大一枚又以火摩身數百過兼治賊風絕良風走肌膚遊風所在摩之神效此趙泉方也

白膏 治傷寒頭痛向火摩身體酒服如杏核一枚溫覆取汗摩身當千過藥力乃行并治惡瘡小兒頭

瘡牛領馬鞍皆治之先以鹽湯洗之以布拭之傅膏癰腫火炙摩千過日再自消者方 天雄 烏頭

莽草 羊躑躅各三兩 右四味咬咀以苦酒三升漬一宿作東向露竈又作十二聚濕土各一升許大

取成煎猪脂三斤著銅器中如竈土炊以葦薪令釋內所清藥炊令沸下著土聚上沸定復上如是十

二過令土盡遍藥成去滓傷寒咽喉痛含如棗核一枚日三摩時令勿近日

〔行義〕 西北風氣剛勁腠理緻密故取辛熱製膏摩服兼進內外透達以治冬時正傷寒寒氣嚴凝之

病東南陽氣易動良非所宜即使西北伏氣發於春夏者咸為切禁

發汗散第四方十一首 度瘴發汗青散 治傷寒赤色惡寒發熱頭痛項強體疼方 麻黃三兩 桔梗 細辛 吳茱萸 防風

白朮各一兩 烏頭 乾薑 蜀椒 桂心各六銖 右十味治下節溫酒服方寸七溫服取汗汗出止若

不得汗汗少不解復服如法若得汗足如故頭痛發熱此為內實當服驂鼓丸若崔氏解散如得便頭

重者可以二大豆許內鼻孔中覺燥涕出一日可三四度必愈兼辟時行病

〔行義〕 汗散十餘方病因不同毫釐不辨相背千里如度瘴青散乃治山嵐瘴氣之方雖用麻黃草防

桔透表發汗全賴烏桂椒薑朮溫中散邪專為面赤戴陽而設設服之不應頭疼發熱如故此必內

有實邪固結又為陽明病面合赤色急須驂鼓丸迅掃中外不當以面赤為虛陽上泛而致扼腕也

五苓散 主時行熱病但狂言煩躁不安精彩言語不與人相當者方 猪苓 白朮 茯苓 桂心

附二澤瀉錄三十 右五味治下節水服方寸七日三多飲水汗出即愈

行義 五苓散本太陽熱邪犯本及水逆煩渴之方千金借治時行熱病之熱乘心主狂言煩燥精采不與人相當取桂心為嚮導引諸邪從水道開泄也又主瘦人臍下有悸吐涎沫癰眩而濕熱發黃亦取用之全匱方加茵陳尤為合輟

崔文行解散 治時氣不和傷寒發熱者方 桔梗 細辛略四 白木八兩 烏頭一斤 右四味治下節若中傷寒服錢五七覆取汗解若不覺復小增之以知為度若時氣不和旦服錢五七辟惡氣欲省病者服一服皆酒服

行義 時行有冬春之不同南北之區別此專主西北冬時時氣不正之病以西北風高氣烈非烏頭風藥不能通達嚴厲之氣佐以白木實脾杜風細辛內搜經絡桔梗外開皮腠也

六物青散 治傷寒赤色惡寒方 附子 白木略錄 防風 細辛略十八兩 桔梗 烏頭各三兩 右

六味治下節以溫酒服五七不知稍增之服後食頃不汗出者進溫粥一杯以發之溫覆汗蒸熱可也勿令流離勿出手足也汗出止若汗大出不止者溫粉粉之微者不須粉不得汗者當更服之得汗而解者當服神丹丸

行義 青散即前解散加附子防風以搜少陰之邪專為面赤戴陽而設得汗不解當服神丹專取半夏烏頭反激以祛寒氣厥逆也

青散 治春傷寒頭痛發熱方 苦參 厚朴 石膏各三兩 大黃 細辛各二兩 麻黃 五兩 烏頭五枚 右七味治下節覺傷寒頭痛發熱以白湯半升和藥方寸七投湯中熟訖去滓盡服覆取汗汗出溫粉粉之良久一服不除宜重服之或當微下利者有大黃故也

行義 青散專治西北傷寒內外熱邪交結故首取苦參以治心腹結氣佐厚朴石膏大黃開泄於內細辛麻黃開發於外苦參得烏頭其解心腹寒熱互結之邪也

詔書發汗白薇散 治傷寒三日不解者方 白薇射一杏仁 貝母射麻黃八兩 右四味治下節

酒服方寸匕自覆汗出即愈

行義 此於麻黃湯中以白薇之苦泄易桂枝貝母之甘寒易甘草治傷寒三日不解既散表邪兼解

內熱麻黃湯之變法也 華佗赤散 治傷寒頭痛身熱服背強引頸及中風口噤瘧不絕婦人產後中風寒經氣腹大方 丹砂

射二蜀椒 蜀漆 乾薑 細辛 黃芩 防己 桂心 茯苓 人參 沙參 桔梗 女萎射 烏頭射雄黃射吳茱萸射麻黃射代赭射 右十八味治下節酒服方寸匕日三耐藥者二

七覆令汗出欲治瘧先發一時所服藥二七半以意消息之細辛薑桂丹砂雄黃不熬餘皆熬之 **行義** 麻烏辛桂椒薑茱萸一派辛溫散表藥中而兼黃芩女萎砂桔防己清解麻烏等熱毒參苓守

五臟真氣丹砂雄黃性雖重著得麻烏薑辛鼓舞之力當無鬱遏邪氣之虞代赭鎮攝逆氣本經有治

賊風蠱毒腹中毒邪女子赤沃漏下之功蜀漆專主寒熱瘧積故可兼治瘧證之寒熱不絕 赤散 治傷寒頭痛項強身熱腰膺痛往來有時方 乾薑 防風 沙參 細辛 白朮 人參 蜀

椒 茯苓 麻黃 黃芩 代赭 桔梗 吳茱萸射附子一枚 右十四味治下節先食酒服一 錢七日三

行義 即前華佗赤散中除去丹砂雄黃烏頭蜀漆防己桂心女萎而易白朮附子防風與前方格局 雖同頭緒頗清方中白朮即前方之茯苓附子即前方之烏頭防風即前方之防己也

烏頭赤散 治天行疫氣病方 烏頭半 皂莢半 雄黃 細辛 桔梗 大黃射 右六味治下 節清酒或井花水服一乃圭日二不知稍增以知為度除時氣疫病若牛馬六畜中水行疫亦可與方

十七人始得病一日時服一乃圭取兩大豆許吹著兩鼻孔中 **行義** 此治天行疫氣之病故用烏頭雄黃辟除邪毒於內細辛桔梗開發經氣於上皂莢大黃降泄

熱毒於下也

水解散 治時行頭痛壯熱一二日方 桂心 甘草 大黃兩二 麻黃四兩 右四味治下篩患者以

生熟湯浴訖以暖水服方寸七日三覆取汗或利便瘥力強人服一方寸七延平秘錄有黃芩芍藥各二兩古今錄驗無甘草有

芍藥治天行熱病生瘧瘡瘕痛及解脫出汗

衍義 此於麻黃湯中除去杏仁而易大黃是汗劑而兼下法從桂枝大黃湯化出中風門中三化湯

則於承氣湯如羌活乃下劑而兼汗法又從此方變出

治時病表裏大熱欲免方 大黃 寒水石 芒硝 石膏 升麻 麻黃 葛根 紫葛各等分 右八

味治下篩水服方寸七日二

衍義 大黃石膏芒硝寒水石治裏之大熱麻黃升麻葛根紫葛治表之大熱亦當作賓主兩路看一

本無紫葛有甘草取其聯合賓主也

發汗湯第五 例一首 方十九首

例曰大法春夏宜發汗凡發汗欲令手足皆周至漉然一時間許益佳但不可如水流離露淅耳若病不

解當更重發汗汗出多則亡陽陽虛不可重發汗也凡服湯藥發汗中病便止不必盡劑也凡云可發汗

而無湯者圓散亦可用要以汗出為解然不及湯隨證良驗凡病無故自汗出復發其汗愈衛復和故也

夫脈浮者病在外可發汗宜桂枝湯 夫陽脈浮大而數者亦可發汗宜桂枝湯 夫病常自汗出者

此為營氣和營氣和而外不解此為衛氣不和也營行脈中衛行脈外復發其汗衛和則愈宜桂枝湯

夫病人臟無他病時時發熱自汗出而不愈者此衛氣不和故也先其時發汗則愈宜桂枝湯 太陽病

發熱汗出者此為營弱衛強故令汗出欲救邪風宜桂枝湯 太陽病頭痛發熱汗出惡風寒宜桂枝湯

太陽病下之微喘者表未解也宜桂枝加厚朴杏仁湯 太陽病外證未解者不可下宜桂枝湯 太

陽病先發其汗不解而復下之其脈浮者不愈浮為在外而反下之故令不愈今脈浮故知在外當須解

表則愈宜桂枝湯 太陽病下之氣上衝者可與桂枝湯不上衝不可與 凡桂枝本為解肌若脈浮緊發熱無汗者勿與之常知此勿誤也

桂枝湯 治中風其脈陽浮而陰弱陽浮者熱自發陰弱者汗自出漈漈惡風淅淅惡寒翕翕發熱鼻鳴

乾嘔方 桂枝 芍藥 生薑各三兩 甘草二兩 大棗十二枚 右五味㕮咀三物切薑蜜棗以水七升煮

棗令爛去滓乃內諸藥水少者益之煮令微沸得三升去滓服一升日三小兒以意減之初服少多便得汗出者小閱其間不得汗者小促其間令藥勢相及汗出自護如法特須避風病者重宜夜服若服一劑不解病證不變者當復服之至有不肯汗出服兩三劑乃愈服此藥食頃飲熱粥以助藥力

衍義 桂枝湯古稱湯液之祖太陽經風傷衛之首方風傷於陽所以脈浮發熱邪迫於陰所以脈弱

自汗漈漈惡風淅淅惡寒翕翕發熱皆自汗表虛之徵驗非若寒傷營之壯熱身疼也鼻鳴乾嘔者陽邪上攻漸次欲傳陽明之界故桂枝和營達衛芍甘護營守中薑棗助桂芍以除寒熱服後嘔熱稀粥助力取汗不使復傳他經至於隨證加減信手成方但看太陽經諸例便得長沙之妙用無窮何憚心手不靈活乎

麻黃湯 治傷寒頭及腰痛身體骨節疼發熱惡寒不汗而喘方 麻黃三兩 桂枝二兩 甘草二兩 杏仁七十枚

喘不甚 用五十枚 右四味㕮咀以水九升煮麻黃減二升去沫內諸藥煮取二升半絞去滓服八合覆令汗

衍義 麻黃湯太陽經寒傷營之專藥寒氣剛勁故令脈緊營受邪鬱所以壯熱執恭於上所以頭痛

骨節煩疼而喘皆熱邪內鬱不得汗泄之故故用麻黃杏仁開發肺氣於上桂枝甘草調和營血於內不使隨汗外脫脫或尺中遲微又為營虛血少不能勝任麻黃即當改用小建中以中有膠飴助胃蒸發可無亡陽厥逆之虞也

大青龍湯 治中風傷寒脈浮緊發熱惡寒身體疼痛汗不出煩燥方 麻黃六兩 桂心 甘草二兩 石膏二斤

如雞子 石膏碎 生薑三兩 杏仁四十枚 大棗十二枚 右七味㕮咀以水九升煮麻黃去沫乃內諸藥煮取三升

分服一升厚覆當大汗出溫粉粉之即止不可再服服之則筋惕肉瞤此為逆也不汗乃再服

行義 麻黃湯專主寒傷營之無汗脈緊桂枝湯專主風傷衛之自汗脈緩二湯雖同為太陽經藥而實開發心肺之邪青龍湯專主營衛俱傷以喻龍之兩角能通營衛兩歧也三方勢若鼎分故千金並列湯液之首詳方下所云全是寒傷營之麻黃湯證惟不汗出而煩躁與無汗而喘稍有分別蓋寒邪拒閉則無汗風邪疎豁則汗泄今風寒兩傷又以寒重風輕雖風邪欲作汗解而寒邪固閉不得出所以煩躁不寧與寒傷營之但喘而不躁擾神氣自能主持則有輕重之分恐人不能辨晰反以中風二字首為昭揭千金又以中風傷寒疊舉開示總不出大青龍之桂枝麻黃二湯合治也然營衛俱傷亦有風重寒輕而見脈浮緩不緊身但重不疼且乍有輕時一一見證似乎風傷衛象即身重一證明非陽受風邪且乍有輕時又非營傷身疼攣急之比洵為寒輕風重無疑猶恐醫師不察反以傷寒二字目之故拋疑團欲人深切致思庶無輕舉妄治之失以風傷衛證居多故於桂枝湯中除去薑棗加麻黃乾薑細辛半夏將痰治咳五味子收斂津氣則小青龍為至當觀金匱治咳逆倚息不得卧用小青龍下已猶不出桂苓五味甘草等味陳註傷寒論誤作大青龍發之非但滋謬後學抑且紊亂聖經愚不自揣敢力正之世之知我罪我所不惜也

陽毒升麻湯 治傷寒一二日便成陽毒或服藥吐下之後變成陽毒身重腰背痛煩悶不安狂言或走

或見鬼或吐血下痢其脈浮大數面赤斑斑如錦文咽喉痛唾膿血五日可治至七日不可治宜服方

升麻 甘草各半兩 當歸 蜀椒 雄黃 桂心各六銖 右六味咬咀以水五升煮取二升半分三服如

人行五里進一服溫覆手足毒出則汗汗出則解不解重作服之得吐亦佳仲景無桂心有驚甲手大

錄驗有梔子六銖
驚甲如手一片

陰毒甘草湯 治傷寒初起一二日便結成陰毒或服藥六七日已止至十日變成陰毒身重背強腹中

絞痛咽喉不利毒氣攻心心中堅強短氣不得息嘔逆脣青面黑四肢厥冷其脈沉細緊數仲景云此

陰毒之候身如被打五六日可治至七日不可治也方 甘草 升麻各半 當歸 蜀椒各六 驚甲一兩 右五味咬咀以水五升煮取二升半分三服如人行五里頃更進一服溫服發汗毒盡從汗出汗則愈若不汗則不除重作服仲景方無蜀椒

衍義 按陽毒陰毒治例長沙不入傷寒而列之於金匱者以見證龐雜六經例中無一可歸乃次之於百合狐惑證下首言陽毒之病面赤斑斑如錦紋咽喉痛唾膿血五日可治七日不可治升麻驚甲湯主之次言陰毒之為病面目青身痛如被杖咽喉痛五日可治七日不可治升麻驚甲湯去雄黃蜀椒主之或問陽毒發斑大熱何反忽用辛烈陰毒面青身痛何反除去蜀椒雄黃願聞其義何居因謂

之曰夫陰陽二毒一皆熱毒極其故五日可治七日當死其毒在陽分則面赤斑斑如錦文以毒邪亢極若用寒藥折之非徒扞格不入必致烈焰飛騰崑崙滅頂惟有從治一法可望其毒隨焰息圖僥倖於萬一非故趨難險以誇奇特也其毒陷陰分則面青身如被杖以熱邪內伏若用辛烈從治擔薪救焚以火濟火五內裂崩勢所必致然升散之法勢在必需溫順之法在所切戒因於升麻驚甲湯中除去雄黃蜀椒二味其在陽毒方中專解陽邪亢逆在陰毒方中恐其助火虐陰故除去不用僅取升麻之升散火氣當歸之通調營血驚甲之削肝護陰甘草之解毒安中其間取舍之機各有至理非深達長沙化機難以語此千金又以西北風高土厚升麻驚甲方中蜀椒雄黃性雖雄烈尚鮮辛散之功因去驚甲而易桂心更其方曰陽毒升麻湯以治陽毒面赤發斑之證又於陽毒升麻湯中除去雄黃桂心進用驚甲更其方曰陰毒甘草湯以治陰毒面青身如被杖之證則仍不離長沙之繩墨耳陰陽二毒證治瀕危所不待言設當風土柔弱天時和煦病人真陰不充因誤藥變成二證者又當從金匱原方未嘗不合於治也若夫陰寒極甚之陰毒則與中寒無異又當從事薑附不當與此案合

除旦湯

治傷寒肢節疼痛內寒外熱虛煩方 芍藥 甘草 乾薑 黃芩 桂心 四兩 大棗 五十枚 水一斗煮取五升去滓溫服一升日三夜二服令小汗